

ilo li wile
e sowe li

jan Ke Tami

ale li ken jo e lipu ni lon [nasin CC BY](#)



O LUKIN A

toki ni li sama ala toki ante mute · toki ante la sina wile lukin e lipu open li wile awen lukin e lipu ante tawa lipu pini · taso toki ni la nasin li ante · nasin pi toki ni li sama alasa musu · lon la sina open lon lipu open · taso sina pini e lukin pi lipu open la sina tawa ala lipu kama ·
ala a · ala a · sina tawa sitelen ·

pini toki la sitelen li lon ·
sitelen ni li nasin e lukin sina · sina wile awen lukin e toki la o alasa e lipu pi sitelen ni · ken la sitelen wan taso ala li lon anpa lipu · sitelen tu anu sitelen mute li ken lon anpa lipu · ni la o alasa e sitelen kepeken wile sina · · ·





ilo li awen tawa la nasa li kama suli · jelo nasa
wan li kama suno lili lon poka ona · jelo nasa tu li
kama lon poka ona · jelo nasa mute a li kama lon
poka ale ona · jelo ni ale li tawa sama ilo · jelo
ale ni li toki nasa li toki e toki pi sona ilo ala

ilo li ken ala ken pilin ike ·





ilo li awen tawa la mute jelo li kama suli a · ni la suno jelo li kama suli li suno e poka ilo · ilo li kama lukin e selo jelo · selo jelo li sama soweli · taso selo soweli ni li nasa · ilo en selo nasa ale li awen tawa li awen tawa · noka selo li kalama lon ma · ilo li ken ala ken pilin ike · kalama pi noka selo li kama kalama suli · ilo li ken ala ken pilin ike · kalama pi noka selo li sama kalama pi toki nasa ona ·

ilo li ken ala ken pilin ike ·






pimeja en jelo taso li lon · ilo li ken ala ken pilin
ike · ilo li sona ala · taso ona li wawa e tawa ona ·
jelo ale li tawa wawa sama ona · ilo li ken ala ken
pilin ike · ilo li sona ala · taso ijo ni ale li lon ala
wile ilo · . . .

sina o · sina lukin e lipu ni la sina lon ala lipu
pona · sina kama lon lipu ni tan seme · lipu ante
ala li tawa lipu ni · o tawa lipu pona ·





 ilo li kama lon nasin · nasin la ona li ken
tawa tomo mute ·
mu li kama tan tomo wan · · ·

ilo o tawa tomo mu → 

ilo o tawa tomo anpa → 


ilo o tawa tomo sewi → 

ilo o tawa tomo moku → 

ilo o tawa tomo pali → 





 ilo li oko la insa li open nasa. ken a la ala li lon tomo ni .

mu . a taso mu li kama tan tomo ni .

mu mu . ilo li kama lon insa pi tomo ni la ona li oko sin li kama lukin e tan mu . poka ante pi tomo ni la soweli li lon li mu . ilo li kute e mu pona li lukin e soweli pona . soweli li suwi suli tawa ilo . ona li wile lon poka soweli . ni li wile ona nanpa wan .

mu .






ilo li lukin e ijo nasa kin · soweli en ilo la kon li laso lon insa pi ona tu · kon laso li sama sinpin lon tomo ni · ilo li wile tawa soweli suwi la ona li wile tawa kon laso ni · . . .

ilo o tawa soweli → 

ilo o kama sin lon nasin → 






 ilo li open e tawa li tawa soweli pi wile ona ·
taso ona li kama tawa kon laso · kon laso li
kalama lili · ilo li kama lon poka pi kon laso · kon
li kalama · ilo li lon insa kon · kon li kalama wawa
li pakala a e ilo · · ·

ilo li moli ala moli → 





 ilo li tawa tomo moku · moku mute li lon ·
ilo li ilo la ona li moku ala e moku · ona li moku
e wawa · taso ilo li kama jo e moku · ona li wile
kepeken moku · tomo seme la ona li ken
kepeken moku ni . . .

tomo mu → 

tomo anpa → 

tomo sewi → 

tomo pali → 






· ilo li tawa tomo pali · tenpo pali la jan li
 pali lon ona · taso ni li tenpo pali ala · jan li lon
 ala · pali ona taso li lon · pali ona li supa · ilo li
 wile sona e supa · ona li lukin e sitelen jan li
 kama sona e supa · supa ni li ken e tawa · ijo li
 lon supa la ijo li kama lon supa ante kepeken
 tenpo ala a · supa en tomo li tawa ala · taso ijo li
 lon supa ante ·





 ilo li tawa · taso akesi tu li tawa kin · ona li tawa kepeken wawa li wile musu kepeken ilo · ilo li lukin weka · taso akesi li alasa e ona li jo e ona · akesi li uta wawa e ilo li tawa mute e ilo · tenpo la akesi wan li wile utala musu e akesi ante · ona li lukin weka e ilo tan uta pi akesi poka · akesi ante li utala kin li awen jo uta e ilo ·

ike la tawa awen ni li ken tu e selo ilo · ilo li lukin tawa · taso akesi li wawa mute · akesi li tawa wawa e ilo · ni li tu pakala e ilo · . . .

ilo li moli ala moli → 





ilo li kama sin lon nasin li kute e mu · mu li pona tawa ona · ona li tawa tomo mu · ona li lukin e lupa tomo · lukin la ijo ala li lon insa tomo · taso ona li kama lon insa tomo la ona li kama lukin e ijo tu ·

mu · poka ante pi tomo ni la soweli li lon li mu · ilo li kute e mu pona li lukin e soweli pona · soweli li suwi suli tawa ilo · ona li wile lon poka soweli · ni li wile ona nanpa wan ·


mu ·

ilo li lukin e ijo nasa kin · soweli en ilo la kon li laso lon insa pi ona tu · kon laso li sama sinpin lon tomo ni · ilo li wile tawa soweli suwi la ona li wile tawa kon laso ni ·

ken la ilo li ken pana e moku tawa soweli · ona li lukin ni · ona li jo e moku li tawa soweli · ona li kama lon poka pi kon laso la nasa li kama · kon





 ilo li tawa tomo anpa · ona li open e lupa
 tomo la ona li kute e kalama lili · ijo li tawa lon
 insa pi tomo ni · ilo li kama lon insa tomo · ni la
 kalama li pini · ilo li lukin la akesi suli tu li lon ·
 akesi li kama lukin e ilo la ona li wile tawa ilo ·
 akesi li wile musi · taso akesi li suli a ·

lon monsi akesi la kiwen li lon · kiwen li suno ·
 lukin ilo la kiwen ni li wawa mute · ilo li wile
 kepeken kiwen ni ·





ilo li pana e moku tawa akesi · akesi li tawa
 moku · ona tu li wile e moku taso moku li lili la
 ona li utala · ni la ilo li ken lon monsi ona · ona li
 kama jo e kiwen wawa · ona li tawa li kepeken
 kiwen lon tomo seme ·

ilo o tawa tomo mu → 

ilo o tawa tomo sewi → 

ilo o tawa tomo moku → 

ilo o tawa tomo pali → 





ilo li tawa sewi · nasin li tawa sewi la ilo li
 ken tawa sewi · taso nasin li tawa ala sewi suli ·
 sewi suli la lupa li lon li tawa tomo sewi · ike la
 ilo li ken ala tawa lupa li ken ala tawa tomo
 sewi · a seme la ona li ken ·





tenpo ni la ilo li sona ala · taso ona li ken pana
sewi e moku · ilo li tawa wawa e moku · moku li
kama lon lupa sewi · ilo li awen · taso sin ala li
kama · ilo li tawa tomo ante · . . .

ilo o tawa tomo mu → 

ilo o tawa tomo anpa → 

ilo o tawa tomo moku → 

ilo o tawa tomo pali → 





ilo li tawa tomo pali · tenpo pali la jan li pali
lon ona · taso ni li tenpo pali ala · jan li lon ala ·
pali ona taso li lon · pali ona li supa · ilo li wile
sona e supa · ona li lukin e sitelen jan li kama
sona e supa · supa ni li ken e tawa · ijo li lon
supa la ijo li kama lon supa ante kepeken tenpo
ala a · supa en tomo li tawa ala · taso ijo li lon
supa ante ·

ni li musi tawa ilo · ona li wile kepeken supa ni pi
nasa tawa · taso kepeken pi supa ni li wile e
wawa mute · ilo li jo e moku · ni li ken ala ken
wawa e supa ·





ilo li pana e moku tawa lupa supa · ilo li awen ·
taso sin ala li kama · ken la wawa li ken tan tomo
ante · · ·

ilo o tawa tomo mu → 

ilo o tawa tomo anpa → 

ilo o tawa tomo sewi →

ilo o tawa tomo moku → 





ilo li tawa sewi · nasin li tawa sewi la ilo li
ken tawa sewi · taso nasin li tawa ala sewi suli ·
sewi suli la lupa li lon li tawa tomo sewi · ike la
ilo li ken ala tawa lupa li ken ala tawa tomo
sewi · a seme la ona li ken ·





tenpo ni la ilo li sona ala · taso ona li ken pana
 sewi e kiwen wawa · ilo li tawa wawa e kiwen ·
 kiwen li kama lon lupa sewi · ilo li awen · taso sin
 ala li kama · ilo li tawa tomo ante · . . .

ilo o tawa tomo mu → 


ilo o tawa tomo anpa → 

ilo o tawa tomo moku → 

ilo o tawa tomo pali → 





 ilo li kama sin lon nasin li kute e mu · mu li
 pona tawa ona · ona li tawa tomo mu · ona li lon
 lupa tomo la kalama nasa li kama · ona li jo e
 kiwen la kiwen li kama suno · insa tomo li kama
 laso · ilo li tawa insa tomo la kiwen li kama suno
 seli walo mute · tomo li kama laso suno wawa li
 kalama wawa ·

kalama pakala li kama · kiwen li kama pakala li
 pakala e ilo · · ·

ilo li moli ala moli → 






☸ ilo li tawa tomo moku · moku mute li lon · ilo
li ilo la ona li moku ala e moku · ona li moku e
wawa · ilo li jo e kiwen wawa la ona li pana e
kiwen lon poka moku · kiwen li suno lili la ni li
namako e tomo · ni li musi tawa ilo · · ·

ilo li kama sin lon nasin → 🐱





 ilo li tawa tomo pali · tenpo pali la jan li pali lon ona · taso ni li tenpo pali ala · jan li lon ala · pali ona taso li lon · pali ona li supa · ilo li wile sona e supa · ona li lukin e sitelen jan li kama sona e supa · supa ni li ken e tawa · ijo li lon supa la ijo li kama lon supa ante kepeken tenpo ala a · supa en tomo li tawa ala · taso ijo li lon supa ante ·

ni li musi tawa ilo · ona li wile kepeken supa ni pi nasa tawa · taso kepeken pi supa ni li wile e wawa mute · pona la ilo li jo e kiwen wawa · ona li pana e kiwen wawa tawa lupa supa · ni la supa li kama suno walo ·





ilo li kama lon supa · ale li kama walo · ale li
kama pimeja · pimeja li awen ·

ilo li alasa e ijo pona lon pimeja · pona la ona li
kama lon nena lon sinpin · ilo li supa e nena la
suno li kama ·

ilo li lon tomo ante ·

ona li sona ala a e tomo ni ·

poki suli mute li lon ·

insa pi poki ni la telo li lon · telo ni li telo wawa
tawa ilo · telo ni la ilo li ken tawa wawa li ken
tawa lon kon · ilo li moku e ona · ilo li kama
wawa mute a · ilo li kama sin lon supa · ona li
kama lon tomo pali pi jan ona kepeken tenpo
ala ·

ilo li kepeken telo wawa · ona li tawa lon kon li
ken tawa wawa · taso ona li ken tawa sama ni lon
tenpo wan taso · · ·





ilo o tawa tomo mu → 

ilo o tawa tomo anpa → 

ilo o tawa tomo sewi → 

ilo o tawa tomo moku → 





⊗ ilo li jo e poki · ona li open e ona · insa poki
la kala li lon li pana e kon wawa · kon kala li tawa
soweli suwi · soweli li pilin e kon ni ·

mu · mu · muuuuu · ona li tawa tan kon · ona li
tawa ilo · ona li kama lon kon laso · ona li kama
lon poka ilo · ilo li lukin e soweli · soweli li lukin e
ilo ·

muuuu · ilo li pana e kala tawa soweli · soweli li
moku e kala · ona li mu li selo ona e selo ilo ·

o moku e kala pona · · ·






ilo li tawa sewi · telo wawa la ilo li ken tawa
sewi kepeken tenpo lili li ken tawa sewi suli ·
sewi suli la lupa li lon li tawa tomo sewi · ilo li
tawa lupa li tawa tomo sewi ·

ijo mute li lon tomo sewi · jan li pana e ijo pi
tenpo pini li awen e ijo ni li weka ala e ijo ni · ni
la ilo li alasa e nasin pona · ona li wile tawa poka
tomo ante ·





(o sitelen kepeken linja wan · o sitelen kepeken kule pi wile sina · alasa pona!)





Q aaaaaaaaaa ilo li kama lon poka tomo ante ·
ona li kama lukin e lupa lon sinpin · lupa ni li
tawa tomo pi sona ilo ala · ilo li tawa ona ·

ilo li kama anpa li tawa anpa li anpa li anpa li
anpa · ona li anpa mute la tomo ale li lon sewi
mute · jan sona li len e anpa ale ni la ona li len e
ijo seme a ·





nasin mute li lon · ilo li alasa · · ·

ilo o tawa poka wan →

ilo o tawa poka ante →

ilo o tawa sinpin →

ilo o tawa monsi →





 nasin mute li lon · ilo li alasa · · ·

ilo o tawa poka wan → 

ilo o tawa sinpin → 

ilo o tawa monsi → 





ilo li lon nasin loje li tawa li tawa li tawa .


lukin la kala ike li lon telo li suli a . ona li alasa e
ilo la ona li wile poki e ilo kepeken telo . pona la
ilo li tawa kepeken wawa mute . ni la nasin tu li
kama tan nasin ni li nasin suli li nasin lili . . .



ilo o tawa nasin suli →

ilo o tawa nasin lili →






 ilo li kama lon poka telo · telo li pona ala
 tawa ilo · ilo li kama lon telo la ni li nasa e sijelo
 ona li pini e tawa ona li seli e insa ona · ike la
 telo li tawa · telo li kama tawa mute · ijo li lon
 insa telo li tawa e telo a · telo li len e nasin lon
 monsi ilo la ilo li tawa wawa · ona li wile weka a
 tan telo · kama la nasin li kama nasin tu li nasin
 loje li nasin jelo · · ·

ilo o tawa nasin loje → 
 ilo o tawa nasin jelo → 





 . pona la nasin ni li suli . telo mute ala li ken
kama lon poka ilo . ike la nasin li awen tawa li
awen tawa telo . ilo li kute e kala lon weka mute .
ni li pona ala pona . ala a . telo li kama tan weka
li tawa ilo li kama tawa suli a . telo li kama supa
ala li kama nena li kama nena suli . telo mute li
kama lon poka ilo ale a . pona la kala li ken ala
kama lon ilo . nasin li suli la ona li ken ala awen
alasa e ilo . taso tenpo ni la telo mute li lon li lon
poka ale .
ilo li ken ala tawa nasin ante . ilo li ken awen
taso .





ilo li ken ala tawa mu suwi li ken ala tawa soweli
pi mu suwi · tenpo kama la jan pali ona li ken
kama li ken weka pona e ilo tan ma ike ni · taso
tenpo ni la ilo li ken awen taso · kala lili mute li
kama lon poka ilo · ona li utala ala · taso ona li
mu ala li lon taso ·

o moku e kala ike · · ·





↘ ilo li tawa nasin lili · ni li ken ike · kala li tawa
mute e telo li awen alasa e ilo · telo li kama lon
nasin li tawa tan nasin · ilo li awen tawa li awen
tawa · telo li kama lon poka ilo a · taso pona la
nasin li kama weka tan telo · kala li tawa utala
lon telo · taso tawa telo ona li ken ala lon poka
ilo . . .

ilo li tawa nasin ante →






ilo li lon nasin jelo li tawa li tawa li tawa ·
lukin la kala ike li lon telo li suli a · ona li alasa e
ilo la ona li wile poki e ilo kepeken telo · pona la
ilo li tawa kepeken wawa mute · ni la nasin tu li
kama tan nasin ni li nasin suli li nasin lili · · ·

ilo o tawa nasin lili → 

ilo o tawa nasin suli → 





ilo li tawa lon nasin ni · nasin li sike ala li
awen tawa sama palisa · pini nasin la ilo li lukin e
poki · ona li oko e poki li kama sona open e
ona · insa poki la poki ante li lon · insa pi poki
ante la poki kin li lon · insa pi poki kin la poki
insa li lon · poki insa li open ala la ilo li oko pona
e poki li alasa e nasin open · pona la nasin li lon
poki ·





o tawa tomo soweli · o lukin e nimi open mute ·
 o lukin e kalama open pi nimi open · kalama
 open pi nimi open pi tomo soweli li toki e nimi ·

ni la ilo li sona e nasin open ona · ona li awen e
 sona ni tawa tenpo kama · · ·

ilo li tawa nasin ante → 

